



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observationes in Cap. II. quod Exceptiones continet contra Leges.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

debuisset: discrimen evidenter fuisset, si in ea egisset Autor de Promulgatione & Acceptatione Legum necessariis, ut obligationem pariant. Gratiani verba, quae laudat, id postulabant, cum utramque spectent.

OBSERVATIONES in CAPUT II. quod Exceptio-
nes continet contra Leges.

REGULÆ proposta, Leges observandas esse, Autor EXCEPTIONES XXI. refert, quarum copia idcirco solum tanta est, quod Regula sit imperfecta: sub eâ enim collocari debuisset, quidquid necessarium est, ut Lex obligare possit, scilicet Potes tas legitima, Iustitia, Utilitas publica: ceteraque Conditiones Can. 2. Dist. IV. enumerata, Promulgatio sufficiens, Acceptatio manifesta. Quippe pleraque harum Exceptionum nascuntur ex conditionibus in Regula omis sis. Eas illustrare sufficeret, ad percipiendam in utilitatem ipsarum, si Regula debita integrata ac perfectio restituuntur. Et quidem Exceptio 1. sumitur à defectu Potestatis. Secunda à defectu Iustitiae. Tertia est exemplum Legum injustarum ob contrarietatem ipsarum cum Lege Divinâ aut Naturali. Idem de Quarta, nam si Princeps Legem Ecclesiasticæ Legi contraria in re merè Ecclesiasticâ condat, illa injusta est. Idem dicendum est de Quinta & Sexta, quia Lex contraria Libertati & Immunitati Ecclesiæ, facta ab eo, qui iis derogare non potest, est injusta.

OCTAVA petitur à defectu unius qualitatis, Legi es-
sentialis, quæ scilicet ad communem utilitatem ver-
gere debet, quod Legi Personalis convenire nequit,
qua proprie non est Lex, sed Dispensatio à Lege.
Idem est de Nonâ; nam Legi essentialis est, ut jubeat
aut vetet; quæcumque hortatur, aut suadet tantum,
non est Lex.

Vigesima sumitur à defectu promulgationis sufficien-
tis; hanc enim secuta ignorantia nullam parit ex-
cuseationem. Vigesima prima sumitur à defectu Potestatis: nam Lex non obligat extrâ Districtum ejus,
qui ipsam condidit, idè quod ejus Jurisdictione illo
Districtu claudatur. Idem sit Judicium de Decimater-
tia & Decima quarta; nam si Leges Civiles non ad-
stringunt Personas Ecclesiasticas, id fit, quia ipse se
à Potestate Sæculari immunes contendunt, quoad
Capita ab illis Legibus definita.

Reliquæ Exceptiones aliis vitiis laborant. Decima
insinuat, Pontificem solum dispensare posse. Plures alia
ad dispensationem pertinent; quæ sub Decima collocari
debuissent, velut casus, aut exempla ad eam per-
tinentia: Talis est Quinta, quæ supponit, Pontificem
à Legibus secum dispensare posse, Decima-sexta sumpta
ex Potestate S. SPIRITUS in illas Leges; Decima-nona
sumpta ex eo quod Lex superior ab inferiore dispenset.

Inter has XXI. Exceptiones, quedam sunt Repli-
cationes, quarum alia comprehenduntur in Regula:
Talis est 1. ea, quæ Exceptioni 1. opponitur; is enim,
qui Leges ferre potest, valet etiam alienas adoptare,
&, quod Subditos, parum ipsum refert, an eorum
Prælatus Legem condiderit, an adoptaverit ab
alio conditam. 2. Talis est Prima, quæ legitur in
Exceptione X. quæ pertinet ad casum justæ Dispen-
sationis. Autor, relatis causis, quæ Dispen-
sationes faciunt, pro prima Replicatione, addit, Dis-
pensationem esse nullam, si nullâ causâ legitimâ ful-
ciatur; unde sequitur, obligationem à Legi imposi-
tam perseverare. Idem judicium ferendum est de tri-
bus aliis Replicationibus. Nullæ sunt Dispen-
sationes, quæ lœdunt Jus Naturale aut Præcepta Evange-
lica, aut jus tertii, cui sine ius iustitia offici nequit;
ergo Lex subsistit.

Nihil dicimus de Duplicatione, de Secunda Replica-
tione, de Triplicatione &c. sufficiet obseruare, Au-
torem ibi sine legitimâ causâ distinguere casum, in
quo quis inter duo Præcepta Legis Naturalis aut Di-
vinæ situs est, quorum unum minus & aliud majus, &

Tom. I.

casum, quo istæ angustiæ non eamdem personam
coarctant, sed duas; & contendere, quoad Primum
personam unicam dispensari à minoré Præcepto per
obligationem observandi majoris; ut in Secundo per-
sonam minori peccato expositionem illud admittere non
debere, ad propulsandum majus ab aliâ personâ:
nam, si licet aliqui peccatum exiguum facere, ad fu-
giendum majus, ei licebit etiam idem facere ergâ
alium, quia diligere debet proximum sicut seipsum.
Adjiciemus hoc in loco, exemplo sensibili apparere,
in methodum argumenta discutiendi, per Exceptions,
Replications, Duplications, Triplications, ea obs-
curitate aspergere, nedum illustret & prolixitatem
augere, nedum brevitatem pariat.

OBSERVATIONES in CAP. III. & IV. continentia
OMNES JURIS SPECIES in quibus distinguitur
id, quod vim Legis obtinet, ab iis, quæ
illâ carent.

CAPUT III. est sine Regulis, Exceptionibus, Re-
plic. &c. excepto loco, in quo dē Privilegiis agi-
tur, circa qua dantur una Regula; Exceptions XI.
Replications & una Duplicatio. Cùm hic præcipue
agatur de Regulis, ac eorum Comitatu, breviter de
Regulâ hujus Capitis differemus; pleraque Exceptiones
sub Regulâ collocari poterant, ei adjicendo Clau-
sulam, sine justâ causâ; nam illâ cadunt in casu,
in quibus justa causâ Privilegia tolli postulant, tales
sunt 1. Is, in quo Privilegium tertio validè noxiū est.
2. Is, in quo cessat Privilegii causa, 3. Is, in quo
Privilegio quis abusus est; 4. Is, in quo Privilegium
alteri Privilegio derogat; 5. Is, in quo
ipsi renunciatur. 6. Is, in quo per XXX. annos
neglectus fuit usus Privilegii. 7. Vel si semel aliquid
actum sit contra privilegium. 8. Is in quo Princeps
contrarium privilegium largitus est, aut præcedens
revocavit: quod locum tantum habet, cum justa est
mutationis causa. 9. Is, in quo Privilegium jure
merito ab unâ re, aut persona, ad aliam extendit.
Et ha sunt præcipuae Exceptions & Replications,
qua nihil aliud sunt, quam exempla Clauses,
qua REGULÆ apponenda erat: Porro, modus hic
exponendi magis Naturalis, perspicuus, brevis, pro-
indèque magis idoneus videtur, quam Autoris metho-
dus, silvâ Exceptionum, Replic. &c implicata.

Circa reliqua observabimus 1. Illum recte compo-
nere Canones, quorum alii dicunt, Consuetudinem Le-
gi cedere; alii vero Legi derogare; priores exponen-
do de Consuetudine Legem præcedente, posteriores
de Consuetudine Legem subseqüente, de Jure non script.
n. 3. & dicendo, Conditiones suprà requisitas, ut justæ
sint, Leges requiri quoque ad æquitatem Consuetudinis.

2. Decisiones Jurisconsultorum vocatas Responsa Pru-
dentum, vim Legis quondam obtinuisse, sed nullum
privatum Doctorem in Ecclesiâ ejusmodi honore illus-
tratum fuisse; is quidem Cardinalium Decisionibus
competere fertur, sed præter quam quod omnes non
consentiant, eas vim Legis habere, Cardinales, qui eas
ferunt, non, ut privati, loquuntur, sed quatenus
membra Tribunalis à Pontifice constituti, insuperque
requiruntur, ut à Pontifice Decisiones approbatæ sint,
de Respons. Prudent. n. 2.

3. Juxta VIGELIUM rationes Juri, ac Regula Juri
unum & idem sunt: id insinuat per Titulum de Ratio-
nibus, sive Reg. Juri. Sed, hoc non obstante, negat
eas vigorem Legis habere. Dignitatem atque autorita-
tem illam tribueret debebat Rationibus, quæ excerpuntur
ex Textibus, ubi aliquando sunt Principia Definitionis;
aliquando ejus Summa: Tales sunt omnes, quæ
in utroque Jure, Regularum Juri nomine donantur.

4. Ad fangiendam Legem, non sola justa causa,
seu Ratio Legis requiritur, sed cum eâ concurrere
debent autoritas Legislatoris & consensus Populi. *Ibid.*
His conditionibus adjicenda erat voluntas Prælati.

Z. 3 5. Putat